

**Acta da sesión ordinaria da Xunta de Goberno
correspondente ó día 8 de novembro de 2019**

No Pazo da Deputación Provincial de Ourense, o 8 de novembro do ano dous mil dezanove, ás dez horas e trinta minutos, reúnese a Xunta de Goberno da Deputación, co fin de realizar sesión ordinaria en primeira convocatoria e tratar nela os asuntos que figuraban na orde do día, coa asistencia dos seguintes deputados e deputadas:

Presidente:

D. José Manuel Baltar Blanco

Deputados/as:

D. Rosendo Luis Fernández Fernández

D. Plácido Álvarez Dobaño

D. Pablo Pérez Pérez

D.^a Ana María Villarino Pardo

D.^a Luz Doporto Real

D. César Manuel Fernández Gil

Secretario:

D. Juan Marquina Fuentes

Ausentes:

D.^a Mónica Legaspi Díaz (interventora)

D. Jorge Pumar Tesouro

D. Armando Ojea Bouzo

Iníciase o tratamento dos asuntos incluídos na orde do día, do modo que se reflicte a continuación:

1.- APROBACIÓN DA ACTA DA SESIÓN ANTERIOR CORRESPONDENTE Á ORDINARIA DO DÍA 31 DE OUTUBRO DE 2019.- A Secretaría Xeral deu traslado do borrador da acta anterior, correspondente á ordinaria do día 31 de outubro de 2019.

Non se producen intervencións, polo que a **Xunta de Goberno**, por unanimidade,

adopta o seguinte **acordo**:

- Aprobar a acta da sesión ordinaria do día 31 de outubro de 2019, conforme co borrador elaborado pola Secretaría Xeral.

2.- MODIFICACIÓN DAS BASES REGULADORAS DO CONCURSO PARA A CONCESIÓN DE SUBVENCÍONS PARA PROXECTOS EMPRESARIAIS OU DE AUTO - EMPREGO EN MUNICIPIOS RURAIS DE MENOR POBOACIÓN, NO MARCO DO PROXECTO EMPRENDOU, FINANCIADO POLO PROGRAMA OPERATIVO DE EMPREGO XUVENIL DO FONDO SOCIAL EUROPEO (AXUDAS EMP-POEJ).

- Mediante acordo de Xunta de Goberno de data 23.05.2019, aprobáronse as bases reguladoras do concurso para a concesión de subvencións para proxectos empresariais e de auto emprego en concellos rurais de menor poboación, no marco do proxecto EmpregOU, financiado polo programa operativo de emprego xuvenil do fondo social europeo (Axudas EMP-POEJ). As ditas bases reguladoras foron obxecto de publicación íntegra no BOP núm. 121 de data 29.05.2019.

Para os efectos de continuar coa tramitación de solicitudes xa presentadas, concluír os respectivos procedementos de concesión de subvencións, axilizar trámites, adaptar estes ás incidencias detectadas ao longo destes meses de tramitación de subvencións e de axustarse aos prazos previstos na convocatoria do Fondo Social Europeo, considérase preciso modificar algúns aspectos das bases, fundamentalmente referidos a prazos, requisitos e procedementos.

Polo exposto, e unha vez concluída a tramitación do expediente, a **Xunta de Goberno**, por unanimidade, **adopta** o seguinte **acordo**:

1º) Aprobar a modificación das bases reguladoras das subvencións para proxectos empresariais ou de auto - emprego en municipios rurais de menor poboación, no marco do proxecto EmprendOU, publicadas BOP núm. 121 de data 29.05.2019, nos seguintes termos:

Primeiro. A base primeira queda redactada da forma seguinte:

Constitúe o obxecto destas bases a regulación da tramitación, concesión e xustificación das subvencións que outorgue a Deputación Provincial de Ourense, en réxime de concorrência non competitiva, a persoas físicas que leven a cabo proxectos empresariais e/ou de auto emprego en municipios rurais en declive demográfico da provincia de Ourense durante o exercicio 2019 e no exercicio 2020, no marco do proxecto EmprendOU.

Segundo. Os apartados d) e e) da base segunda quedan redactados da forma seguinte:

d) Estar dado de alta como residente no padrón dalgún dos municipios ourensáns elixibles recollidos no anexo I das actuais bases, na data de alta na actividade. O empadramento nalgún dos municipios considerados “elixibles” e que se recollen no anexo I desta bases, terá que manterse durante todo o período subvencionable. O centro de traballo da actividade terá que situarse igualmente nalgún dos municipios dos recollidos no anexo I.

e) Non ter traballado, nin recibido accións educativas ou formativas no día natural anterior ao inicio da actividade empresarial, nin ter desenvolvido dentro do mesmo concello unha actividade empresarial que motiva a súa inclusión nalgún réxime de seguridade social por conta propia ou como exercinte nunha mutualidade colexial, no período de tres meses inmediatamente anteriores o día de inicio da actividade pola que solicita subvención.

Terceiro. A base Terceira. “Dispoñibilidade orzamentaria”, queda redactada da forma seguinte:

Para o financiamento das subvencións obxectos desta convocatoria existe crédito adecuado e suficiente na aplicación orzamentaria 2411/48900 dos orzamentos da Deputación de Ourense.

Cuarto. A base Cuarta “Contía”, no seu primeiro parágrafo queda redactada da forma seguinte:

A subvención á que poderán acceder as persoas solicitantes consistirá nunha axuda económica equivalente ao 75% do salario mínimo interprofesional por cada mes de exercicio efectivo da actividade subvencionada, cun mínimo de 6 meses e un máximo de 12 meses.

Estes períodos terán que cumprirse antes do 31 de decembro de 2020, data límite ata a que se subvencionarán os proxectos presentados.

Quinto. O apartado 2 da base quinta, queda da forma seguinte:

2. As solicitudes poderán presentarse en calquera momento dende a publicación da convocatoria e ata o 30 de xuño de 2020.

Sexto. Os apartados a), b) e c) da base décima quedan redactados da forma seguinte:

a) A actividade profesional ou empresarial deberá manterse durante un prazo mínimo ininterrompido de 6 meses, contados a partir da data de alta na actividade. No caso de que existan solicitudes xa resoltas no ano 2019, as contías comprometidas polo acto de concesión e pendentes de xustificar a 31 de decembro incorpóranse aos orzamentos da Deputación Provincial do presente exercicio 2020, garantíndose deste xeito a disposición de financiamento para o pago das subvencións.

b) O centro de traballo da actividade empresarial ou profesional deberá situarse nun municipio elixible, durante todo o período subvencionable.

c) A persoa beneficiaria deberá estar empadroadada durante todo o período subvencionable nun municipio elixible.

2º) Aprobar a convocatoria das subvencións reguladas presentes bases, o cal se fará público mediante a publicación do texto refundido das bases reguladoras na Base de Datos Nacional de Subvencións, na sede electrónica da Deputación e no Boletín Oficial da Provincia.

3.- CONCURSO PÚBLICO DE SUBVENCIONS, EN RÉXIME DE CONCORRENCIA NON COMPETITIVA, A PERSOAS FÍSICAS QUE LEVEN A CABO PROXECTOS EMPRESARIAIS E/OU DE AUTOEMPREGO EN MUNICIPIOS RURAIS EN DECLIVE DEMOGRÁFICO DA PROVINCIA DE OURENSE DURANTE O EXERCICIO 2019, NO MARCO DO PROXECTO EMPREND OU.

- A Área de Benestar, con data 4 de novembro de 2019, emitiu un informe en relación coas solicitudes conformes presentadas á convocatoria de subvencións para proxectos empresariais e de autoemprego en concellos rurais de menor poboación, no marco do proxecto emprendOU, financiado polo programa operativo de emprego xuvenil do fondo

social europeo (Axudas EMP-POEJ) (BOP n.º 121, mércores, día 29 de maio de 2019).

Polo exposto, e unha vez concluída a tramitación do expediente, a **Xunta de Goberno**, por unanimidade, **adopta** o seguinte **acordo**:

Resolve-lo concurso público de subvencións, en réxime de concorrencia non competitiva, a persoas físicas que leven a cabo proxectos empresariais e/ou de autoemprego en municipios rurais en declive demográfico da provincia de Ourense durante o exercicio 2019, no marco do proxecto EmprendOU, como se reflicte de seguido:

1. Denegarllles a subvención ás persoas identificadas e pola causa que se rerecolle a continuación:

N.º; DNI; Causa

1 ***3701**

Incumprimento dos requisitos da base segunda (“non atoparse inscrito no ficheiro do Sistema Nacional de Garantía Xuvenil”)

2 ***3449**

Incumprimento dos requisitos da base segunda (“non estar dado de alta para a actividade subvencionada no municipio elixible no censo de empresarios”)

3 ***6425**

Incumprimento dos requisitos da base segunda (“non estar dado de alta como residente no padrón dalgún dos municipios ourensáns elixibles recollidos no anexo I, das bases, na data de alta na na actividade e durante todo o período subvencionable”)

4 ***3431** *Incumprimento dos requisitos da base segunda (“ser maior de 16 anos e menos de 30 anos”)*

5 ***2696**

Incumprimento dos requisitos da base segunda (“desenvolver actividades profesionais por conta propia nalgún dos municipios recollidos no anexo I, a partir de 8 de xaneiro de 2019”)

2. Concederlles a subvención ás persoas identificadas e pola contía indicada a continuación: N.º; DNI; proxecto; tempo máximo subvención; importe mensual; importe total subvención.

1 ***9392**

REPARACIÓN DE
AUTOMÓVILES E
BICICLETAS

12 MESES 675€ 8.100€

2 ***3315**

COMERCIO Ó POR
MAIOR DE MADEIRA E
CORCHO

12 MESES 675€ 8.100€

3 ***3475**

EDUCACIÓN
DEPORTIVA E
RECREATIVA

12 MESES 675€ 8.100€

4 ***5563** PERRUQUERÍA 12 MESES 675€ 8.100€

5 ***9168**

SERVIZOS FORESTAIS,
PESCA E
ACUICULTURA

12 MESES 675€ 8.100€

6 ***2931**

OUTROS CAFES E
BARES

12 MESES 675€ 8.100€

4.- SUBVENCIÓN A ESTABLECIMIENTOS ASOCIADOS PARA A 1ª FEIRA

OPORTUNIDADES DO RIBEIRO.- No Pleno, con data 29 de marzo de 2019, acordouse aprobar o expediente n.º 2/2019 de modificación das bases de execución do orzamento correspondente ao ano 2019, figurando con cargo á aplicación orzamentaria 334.20/489.12 unha subvención nominativa, por importe de 6.000,00 euros, a favor de Establecimientos Asociados do Ribeiro, para a 1ª Feira Oportunidades do Ribeiro.

A Sección de Subvencións comprobou que a solicitude formulada pola representante da mencionada entidade cumpre co establecido na lexislación de subvencións e nas bases de execución dos orzamentos.

Polo exposto, e unha vez concluída a instrución do expediente pola Sección de Subvencións, a **Xunta de Goberno**, por unanimidade, **adopta** o seguinte **acordo**:

Aprobar unha subvención a Establecimientos Asociados, nos seguintes termos:

-Importe: 6.000,00 €.

-Obxecto: 1ª Feira Oportunidades do Ribeiro.

-Xustificación: A subvención xustificárase mediante a presentación da conta xustificativa simplificada, todo isto de conformidade co que dispoñen os artigos 30 e 31 da Lei xeral de subvencións e o artigo 75 do Regulamento da antedita lei, á que se lle unirán os orixinais das

facturas ou dos correspondentes documentos de valor probatorio equivalente, e as certificacións de estar ao día no cumprimento das obrigacións tributarias coa Facenda Estatal, Autonómica de Galicia e coa Seguridade Social.

De conformidade co artigo 15.1 b) da Ordenanza xeral de subvencións da Deputación Provincial de Ourense, para considerar xustificada a subvención deberá acreditarse a realización dun investimento por unha contía igual ou superior á presentada no orzamento que serviu de base para a valoración da subvención (6.000 euros). No suposto en que só se xustifique unha contía inferior, a subvención reducirase proporcionalmente, agás nos seguintes supostos, nos que procederá a perda total do dereito á subvención:

- a) Que a redución supoña o total incumprimento da finalidade da subvención.
- b) Que a redución do orzamento da actuación executada con respecto ao presentado coa solicitude sexa tal que, de ser tida en conta na valoración efectuada para a concesión, tivese dado lugar á denegación da subvención.

Igualmente, non se considerará xustificada unha subvención cando, aínda manténdose a contía de gasto prevista, se producisen cambios ou modificacións de carácter substancial no proxecto, entendendo por tales aqueles que, de ter sido contemplados na solicitude, terían dado lugar a unha valoración inferior do proxecto, ou aqueles que consistan na realización dunha actividade esencialmente distinta á proxectada.

Naqueles casos nos que as modificacións só afecten a parte do proxecto, a subvención poderá considerarse parcialmente xustificada na parte non afectada, declarándose a perda do dereito á subvención correspondente ao resto.

En todo caso, cando a contía do gasto xustificado sexa inferior ao 25% do orzamento presentado coa solicitude de subvención, esta entenderase automaticamente como non xustificada, dando lugar ao reintegro ou perda total do dereito á subvención.

Poderán realizarse pagamentos a conta, previa solicitude do interesado, que consistirán na realización de pagos fraccionados que responderán ao ritmo de execución das accións subvencionadas, aboándose por contía equivalente á xustificación presentada. Para a realización dos pagamentos a conta, deberán presentarse as facturas e xustificantes correspondentes. En todo caso, a realización destes pagamentos non implica unha declaración definitiva como xustificado do gasto correspondente, nin exime da necesidade de presentar a conta xustificativa completa ao remate da execución do proxecto. En consecuencia, no caso de que a subvención non se estimase xustificada no trámite final, a Deputación poderá esixir o

reintegro das cantidades aboadas a conta, de concorrer causa legal conforme ao artigo 37 da Lei xeral de subvencións

De acordo co establecido no artigo 16 da Ordenanza Xeral de Subvencións, as subvencións, como regra xeral, serán aboadas ao beneficiario unha vez xustificadas, no prazo máximo de trinta días naturais dende que se dite o acto administrativo no que se teña por xustificada a subvención.

Sen prexuízo do anterior, poderán realizarse pagos anticipados, a instancia dos interesados, suxeitos á constitución de garantía, segundo o establecido no dito artigo 16 da Ordenanza xeral de subvencións e coas excepcións correspondentes, por importe do 100% do anticipo solicitado.

Ao abeiro do establecido no artigo 31.2 da Lei xeral de subvencións, considerarase como gasto efectivamente realizado aquel cuxa obriga de pago fose contraída antes do vencemento do prazo de xustificación da subvención. En consecuencia, non será preciso acreditar a realización do pago na conta xustificativa. Non obstante o anterior, e no exercicio das súas facultades de control financeiro, a Intervención poderá realizar procedementos simplificados de control financeiro, consistentes en esixir, a partir do mes seguinte ao do pago da subvención, a acreditación do pago da totalidade dos gastos incluídos na conta xustificativa. O incumprimento desta obriga dará lugar á obriga de reintegro por parte do beneficiario, así como á imposición das sancións que procedan.

-Prazo xustificación: ata o 10 de decembro de 2019.

O dito prazo terá como regra xeral carácter improrrogable agás causa de forza maior debidamente acreditada pola entidade interesada, que en todo caso deberá solicitar a oportuna prorroga antes de finalizar o prazo de xustificación establecido no acordo de concesión.

5.- SUBVENCIÓN Á FUNDACIÓN HOSPITAL DE SAN CARLOS PARA EFORMA DA RESIDENCIA DA 3ª IDADE.- No Pleno, con data 29 de marzo de 2019, acordouse aprobar o expediente n.º 2/2019 de modificación das bases de execución do orzamento correspondente ao ano 2019, figurando con cargo á aplicación orzamentaria 231.11/789.00 unha subvención nominativa, por importe de 21.419,78 euros, a favor da Fundación Hospital de San Carlos, para reforma residencia 3ª idade.

A Sección de Subvencións comprobou que a solicitude formulada pola presidencia da mencionada entidade cumpre co establecido na lexislación de subvencións e nas bases de execución dos orzamentos.

Polo exposto, unha vez concluída a instrución do expediente pola Sección de Subvencións, e de conformidade coa proposta favorable, a **Xunta de Goberno adopta** o seguinte **acordo**:

Aprobar unha subvención á Fundación Hospital San Carlos, nos seguintes termos:

-Importe: 21.419,78 €.

-Obxecto: Reforma residencia 3ª idade.

-Xustificación: A subvención xustificárase mediante a presentación da conta xustificativa simplificada, todo isto de conformidade co que dispoñen os artigos 30 e 31 da Lei xeral de subvencións e o artigo 75 do Regulamento da antedita lei, á que se lle unirán os orixinais das facturas ou dos correspondentes documentos de valor probatorio equivalente, e as certificacións de estar ao día no cumprimento das obrigacións tributarias coa Facenda Estatal, Autonómica de Galicia e coa Seguridade Social. Así como licenza de obra concedida polo correspondente concello.

De conformidade co artigo 15.1 b) da Ordenanza xeral de subvencións da Deputación Provincial de Ourense, para considerar xustificada a subvención deberá acreditarse a realización dun investimento por unha contía igual ou superior á presentada no orzamento que serviu de base para a valoración da subvención (21.419,78 euros). No suposto en que só se xustifique unha contía inferior, a subvención reducirase proporcionalmente, agás nos seguintes supostos, nos que procederá a perda total do dereito á subvención:

- a) Que a redución supoña o total incumprimento da finalidade da subvención.
- b) Que a redución do orzamento da actuación executada con respecto ao presentado coa solicitude sexa tal que, de ser tida en conta na valoración efectuada para a concesión, tivese dado lugar á denegación da subvención.

Igualmente, non se considerará xustificada unha subvención cando, aínda manténdose a contía de gasto prevista, se producisen cambios ou modificacións de carácter substancial no proxecto, entendendo por tales aqueles que, de ter sido contemplados na solicitude, terían dado lugar a unha valoración inferior do proxecto, ou aqueles que consistan na realización dunha actividade esencialmente distinta á proxectada.

Naqueles casos nos que as modificacións só afecten a parte do proxecto, a subvención poderá considerarse parcialmente xustificada na parte non afectada, declarándose a perda do dereito á subvención correspondente ao resto.

En todo caso, cando a contía do gasto xustificado sexa inferior ao 25% do orzamento presentado coa solicitude de subvención, esta entenderase automaticamente como non xustificada, dando lugar ao reintegro ou perda total do dereito á subvención.

Poderán realizarse pagamentos a conta, previa solicitude do interesado, que consistirán na realización de pagos fraccionados que responderán ao ritmo de execución das accións subvencionadas, aboándose por contía equivalente á xustificación presentada. Para a realización dos pagamentos a conta, deberán presentarse as facturas e xustificantes correspondentes. En todo caso, a realización destes pagamentos non implica unha declaración definitiva como xustificada do gasto correspondente, nin exime da necesidade de presentar a conta xustificativa completa ao remate da execución do proxecto. En consecuencia, no caso de que a subvención non se estimase xustificada no trámite final, a Deputación poderá esixir o reintegro das cantidades aboadas a conta, de concorrer causa legal conforme ao artigo 37 da Lei xeral de subvencións.

De acordo co establecido no artigo 16 da Ordenanza Xeral de Subvencións, as subvencións, como regra xeral, serán aboadas ao beneficiario unha vez xustificadas, no prazo máximo de trinta días naturais dende que se dite o acto administrativo no que se teña por xustificada a subvención.

Sen prexuízo do anterior, poderán realizarse pagos anticipados, a instancia dos interesados, suxeitos á constitución de garantía, segundo o establecido no dito artigo 16 da Ordenanza xeral de subvencións e coas excepcións correspondentes, por importe do 100% do anticipo solicitado.

Ao abeiro do establecido no artigo 31.2 da Lei xeral de subvencións, considerarase como gasto efectivamente realizado aquel cuxa obriga de pago fose contraída antes do vencemento do prazo de xustificación da subvención. En consecuencia, non será preciso acreditar a realización do pago na conta xustificativa. Non obstante o anterior, e no exercicio das súas facultades de control financeiro, a Intervención poderá realizar procedementos simplificados de control financeiro, consistentes en esixir, a partir do mes seguinte ao do pago da subvención, a acreditación do pago da totalidade dos gastos incluídos na conta xustificativa. O incumprimento desta obriga dará lugar á obriga de reintegro por parte do beneficiario, así como á imposición das sancións que procedan.

-Prazo xustificación: ata o 20 de xaneiro de 2020.

O dito prazo terá como regra xeral carácter improrrogable, agás causa de forza maior

debidamente acreditada pola entidade interesada, que en todo caso deberá solicitar a oportuna prórroga antes de finalizar o prazo de xustificación establecido no acordo de concesión.

6.- SUBVENCIÓN Á FUNDACIÓN ÍNSUA DOS POETAS, PARA AMPLIACIÓN DO PATRIMONIO E GASTOS DE MANTEMENTO DA ENTIDADE CORRESPONDENTES Ó ANO 2019.

No Pleno, con data 29 de marzo de 2019, acordouse aprobar o expediente n.º 2/2019 de modificación das bases de execución do orzamento correspondente ao ano 2019, figurando con cargo á aplicación orzamentaria 334.21/489.33 unha subvención nominativa, por importe de 20.000,00 euros, a favor da Fundación Ínsua dos Poetas, para ampliación do patrimonio, actividades, gastos de mantemento.

Na documentación presentada pola presidencia da mencionada entidade figura un orzamento polo importe de 20.000 euros: correspondendo 16.000 euros a ampliación de patrimonio, 2.500 euros a actividades culturais e 1.500 euros a gastos de mantemento.

O convenio, asinado o 20 de febreiro de 2019, de colaboración entre a Deputación Provincial e a Fundación Ínsua dos Poetas, para a coorganización de actividades culturais na Ínsua dos Poetas durante o ano 2019, figura nas obrigas da fundación, a organización, desenvolvemento e promoción das actividades para realizar durante o ano 2019.

Polo exposto, unha vez concluída a instrución do expediente pola Sección de Subvencións, e de conformidade coa proposta favorable, a **Xunta de Goberno adopta** o seguinte **acordo**:

Aprobar unha subvención á Fundación Ínsua dos Poetas, nos seguintes termos:

-Importe: 17.500€.

-Obxecto: Ampliación do patrimonio e gastos de mantemento da entidade correspondentes ao ano 2019.

-Xustificación: A subvención xustificárase mediante a presentación da conta xustificativa simplificada, todo isto de conformidade co que dispoñen os artigos 30 e 31 da Lei xeral de subvencións e o artigo 75 do Regulamento da antedita lei, á que se lle unirán os orixinais das facturas ou dos correspondentes documentos de valor probatorio equivalente, e as certificacións de estar ao día no cumprimento das obrigacións tributarias coa Facenda Estatal, Autonómica de Galicia e coa Seguridade Social. De conformidade co artigo 15.1 b) da Ordenanza xeral de subvencións da Deputación Provincial de Ourense, para considerar xustificada a subvención deberá acreditarse a realización dun investimento por unha contía igual ou superior á presentada no orzamento que serviu de base para a valoración da subvención (17.500 euros). No suposto en que só se xustifique unha contía inferior, a

subvención reducirase proporcionalmente, agás nos seguintes supostos, nos que procederá a perda total do dereito á subvención:

- a) Que a redución supoña o total incumprimento da finalidade da subvención.
- b) Que a redución do orzamento da actuación executada con respecto ao presentado coa solicitude sexa tal que, de ser tida en conta na valoración efectuada para a concesión, tivese dado lugar á denegación da subvención.

Igualmente, non se considerará xustificada unha subvención cando, aínda manténdose a contía de gasto prevista, se producisen cambios ou modificacións de carácter substancial no proxecto, entendendo por tales aqueles que, de ter sido contemplados na solicitude, terían dado lugar a unha valoración inferior do proxecto, ou aqueles que consistan na realización dunha actividade esencialmente distinta á proxectada.

Naqueles casos nos que as modificacións só afecten a parte do proxecto, a subvención poderá considerarse parcialmente xustificada na parte non afectada, declarándose a perda do dereito á subvención correspondente ao resto.

En todo caso, cando a contía do gasto xustificado sexa inferior ao 25% do orzamento presentado coa solicitude de subvención, esta entenderase automaticamente como non xustificada, dando lugar ao reintegro ou perda total do dereito á subvención.

Poderán realizarse pagamentos a conta, previa solicitude do interesado, que consistirán na realización de pagos fraccionados que responderán ao ritmo de execución das accións subvencionadas, aboándose por contía equivalente á xustificación presentada. Para a realización dos pagamentos a conta, deberán presentarse as facturas e xustificantes correspondentes. En todo caso, a realización destes pagamentos non implica unha declaración definitiva como xustificado do gasto correspondente, nin exime da necesidade de presentar a conta xustificativa completa ao remate da execución do proxecto. En consecuencia, no caso de que a subvención non se estimase xustificada no trámite final, a Deputación poderá esixir o reintegro das cantidades aboadas a conta, de concorrer causa legal conforme ao artigo 37 da Lei xeral de subvencións.

De acordo co establecido no artigo 16 da Ordenanza Xeral de Subvencións, as subvencións, como regra xeral, serán aboadas ao beneficiario unha vez xustificadas, no prazo máximo de trinta días naturais dende que se dite o acto administrativo no que se teña por xustificada a subvención.

Sen prexuízo do anterior, poderán realizarse pagos anticipados, a instancia dos interesados, suxeitos á constitución de garantía, segundo o establecido no dito artigo 16 da Ordenanza xeral de subvencións e coas excepcións correspondentes, por importe do 100% do anticipo solicitado.

Ao abeiro do establecido no artigo 31.2 da Lei xeral de subvencións, considerarase como gasto efectivamente realizado aquel cuxa obriga de pago fose contraída antes do vencemento do prazo de xustificación da subvención. En consecuencia, non será preciso acreditar a realización do pago na conta xustificativa. Non obstante o anterior, e no exercicio das súas facultades de control financeiro, a Intervención poderá realizar procedementos simplificados de control financeiro, consistentes en esixir, a partir do mes seguinte ao do pago da subvención, a acreditación do pago da totalidade dos gastos incluídos na conta xustificativa. O incumprimento desta obriga dará lugar á obriga de reintegro por parte do beneficiario, así como á imposición das sancións que procedan.

-Prazo xustificación: ata o 10 de decembro de 2019.

O dito prazo terá como regra xeral carácter improrrogable, agás causa de forza maior debidamente acreditada pola entidade interesada, que en todo caso deberá solicitar a oportuna prórroga antes de finalizar o prazo de xustificación establecido no acordo de concesión.

7.- SUBVENCIÓN Ó CONCELLO DA GUDIÑA, PARA SANEAMENTO DO PARQUE INDUSTRIAL.- No Pleno, con data 28 de setembro de 2018, acordouse consignar no orzamento xeral para o ano 2019, e con cargo á aplicación 450.12/762.01, a cantidade de 23.914 euros a favor do Concello da Gudiña, para saneamento do Parque Industrial.

A Sección de Subvencións comprobou que a solicitude formulada polo alcalde do mencionado concello cumpre co establecido na lexislación de subvencións e nas bases de execución dos orzamentos.

Polo exposto, unha vez concluída a instrución do expediente pola Sección de Subvencións, e de conformidade coa proposta formulada, a **Xunta de Goberno adopta o seguinte acordo:**

Aprobar unha subvención ó Concello da Gudiña, nos seguintes termos:

-Importe: 23.914 euros.

-Obxecto: Saneamento Parque Industrial.

-Xustificación: A subvención xustificarse mediante a presentación de certificado expedido

pola persoa que teña ao seu cargo o desempeño das funcións de intervención do concello beneficiario, no que se acrediten respecto a actuación subvencionada, os seguintes extremos:

- 1.-Que se cumpríu a finalidade para a que foi concedida a subvención.
- 2.-Que a xustificación da subvención concedida se refire ao mesmo proxecto que serviu de base para a concesión da subvención, indicando, de ser o caso, se houbo algunha variación con respecto ao proxecto inicial.
- 3.-Que a xustificación da subvención concedida acada o 100% do importe do proxecto que serviu de base para a concesión da subvención 102.081 euros), indicando, en caso contrario, a porcentaxe que supón.
- 4.-Que os documentos xustificativos do gasto foron aprobados polo órgano competente.
- 5.-Que a entidade local se atope ao corrente das súas obrigas tributarias coa Facenda Estatal, Autonómica e coa Seguridade Social
- 6.-Relación das subvencións concedidas á entidade local beneficiaria para a mesma finalidade, indicando o seu importe e os conceptos subvencionados.

Poderán realizarse pagamentos a conta, previa solicitude do interesado, que consistirán na realización de pagos fraccionados que responderán ao ritmo de execución das accións subvencionadas, aboándose por contía equivalente á xustificación presentada. Para a realización dos pagamentos a conta, deberán presentarse as facturas e xustificantes correspondentes. En todo caso, a realización destes pagamentos non implica unha declaración definitiva como xustificada do gasto correspondente, nin exime da necesidade de presentar a conta xustificativa completa ao remate da execución do proxecto. En consecuencia, no caso de que a subvención non se estimase xustificada no trámite final, a Deputación poderá esixir o reintegro das cantidades aboadas a conta, de concorrer causa legal conforme ao artigo 37 da Lei xeral de subvencións.

Sen prexuízo do anterior, poderán realizarse pagos anticipados, a instancia dos interesados, suxeitos á constitución de garantía, segundo o establecido no dito artigo 16 da Ordenanza xeral de subvencións e coas excepcións correspondentes, por importe do 100% do anticipo solicitado.

Ao abeiro do establecido no artigo 31.2 da Lei xeral de subvencións, considerarase como gasto efectivamente realizado aquel cuxa obriga de pago fose contraída antes do vencemento do prazo de xustificación da subvención. En consecuencia, non será preciso acreditar a realización do pago na conta xustificativa. Non obstante o anterior, e no exercicio

das súas facultades de control financeiro, a Intervención poderá realizar procedementos simplificados de control financeiro, consistentes en esixir, a partir do mes seguinte ao do pago da subvención, a acreditación do pago da totalidade dos gastos incluídos na conta xustificativa. O incumprimento desta obriga dará lugar á obriga de reintegro por parte do beneficiario, así como á imposición das sancións que procedan.

De acordo co establecido no artigo 16 da Ordenanza Xeral de Subvencións, as subvencións, como regra xeral, serán aboadas ao beneficiario unha vez xustificadas, no prazo máximo de trinta días naturais dende que se dite o acto administrativo no que se teña por xustificada a subvención.

-Prazo xustificación: ata o 10 de decembro 2019.

8.- DESESTIMACIÓN DE REQUIRIMENTO DE ANULACIÓN CONTRA O ACORDO DA XUNTA DE GOBERNO DE DATA 8 DE AGOSTO DE 2019, DO CONCURSO DE SUBVENCIÓNS A CONCELLOS PARA A REALIZACIÓN DE ACTIVIDADES CULTURAIS E RECREATIVAS, EXERCICIO 2019, FORMULADO POLO CONCELLO DO BARCO DE VALDEORRAS. Con data 8 de agosto de 2019, a Xunta de Goberno da Deputación Provincial de Ourense acordou resolver o concurso de subvencións a concellos para a realización de actividades culturais e recreativas correspondente ao exercicio 2019 (concurso que fora convocado mediante acordo da Xunta de Goberno de 28 de xaneiro de 2019, no que se aprobaron a convocatoria e as bases reguladoras do dito concurso, publicadas no BOP n.º 30, do 5 de febreiro de 2019).

O dito acordo de resolución foi obxecto de publicación na sede electrónica da Deputación o 12 de agosto de 2019.

Entre outras determinacións, o devandito acordo resolveu excluír da valoración do concurso a solicitude formulada polo Concello de O Barco de Valdeorras para o proxecto de actividade denominado “Semana das Letras Galegas 2019” por incumprir o disposto na base 5ª, apartado 3.b) das bases da convocatoria, ao non presentar, coa solicitude, una certificación da intervención municipal na que constasen os ingresos municipais ordinarios do derradeiro exercicio liquidado.

Posteriormente, con data 26 de agosto de 2019, o referido Concello do Barco de Valdeorras formulou un requirimento de anulación do amentado acordo da Xunta de Goberno.

Con tal motivo, o Secretario da Deputación Provincial emitiu un informe ó respecto:

Polo exposto, unha vez concluída a tramitación do expediente pola Secretaría Xeral desta Deputación Provincial, e de conformidade coa proposta favorable, a **Xunta de Goberno adopta** o seguinte **acordo**:

Desestima-lo requirimento de anulación formulado polo Concello do Barco de Valdeorras contra o acordo da Xunta de Goberno de data 8 de agosto de 2019, de resolución do concurso de subvencións a concellos para a realización de actividades culturais e recreativas correspondentes ó exercicio 2019, polos motivos expostos nas seguintes consideracións xurídicas contidas no informe emitido pola Secretaría Xeral.

Consideracións xurídicas:

A) Xurídico – formais:

O requirimento de anulación formulado polo Concello de O Barco de Valdeorras foi presentado en tempo e forma, conforme ao previsto no artigo 44.2 da Lei 29/1998, de 13 de xullo, reguladora da xurisdición contencioso – administrativa, polo que debe procederse á súa tramitación e resolución por parte da Deputación Provincial.

O órgano competente para resolución do requirimento é a Xunta de Goberno, en tanto que órgano autor do acto cuxa anulación constitúe o seu obxecto. O prazo para a resolución do requirimento, conforme se deduce do previsto no artigo 44.3 da LXCA, era dun mes, prazo que se ten incumprido neste caso, motivado pola demora na emisión do presente informe, derivada da sobrecarga de traballo desta Secretaría Xeral. En todo caos, a falla de resolución en prazo, conforme ao precepto citado, permite entender presuntamente rexeitado o requirimento formulado, sen prexuízo da subsistencia da obriga de ditar resolución expresa no procedemento, conforme ás regras xerais establecidas na LPAC.

Con respecto á emisión do presente informe por esta Secretaría, estímase que resulta preceptivo, conforme ao disposto no artigo 3.d, apartado 4º do Real Decreto 128/2018, de 16 de marzo, polo que se regula o réxime xurídico dos funcionarios de administración local con habilitación de carácter nacional, dado que, se ben o dito precepto esixe este informe no caso de “recursos administrativos” cando, pola natureza do asunto, así se requira, o requirimento de anulación pode considerarse como unha acción administrativa de anulación substitutiva do recurso entre administracións públicas e, polo tanto, equivalente a este para os efectos da necesidade do informe xurídico de secretaría.

Non se estima necesaria a evacuación do trámite de audiencia previa á resolución do requirimento, por aplicación do disposto no artigo 82.4 da Lei 39/2015 de 1 de outubro, do procedemento administrativo común das administracións públicas (LPAC) ao non terse en conta, neste expediente, outros feitos e alegacións que os achegados ao expediente polo interesado, polo que a Xunta de Goberno pode entrar a resolver directamente e sen máis trámite o dito requirimento á vista do presente informe, que en todo caos non é vinculante.

B) Xurídico – materiais ou de fondo:

Á vista das alegacións en que se basea o requirimento resulta obvio que a cuestión de fondo cinguese a determinar se resultado axustada a Dereito a previsión das bases do concurso en canto a que a falla de presentación da documentación necesaria para a valoración das solicitudes non poida ser obxecto de emenda a través do trámite de emenda de deficiencias previsto nos artigos 68.1 da LPAC e 23 e 20, respectivamente, da Lei Xeral de Subvención (LXS) e da Lei de Subvencións de Galicia (LSG).

A este respecto, cabe formular as consideracións seguintes:

a) A base 5ª.6 das bases reguladora establece expresamente que “dada a natureza competitiva do procedemento de concesión de subvencións, a documentación valorable non será obxecto do trámite de emenda de deficiencias, que só lle será de aplicación á documentación administrativa”.

b) Esta previsión límitase a trasladar ás bases unha regra establecida na vixente Ordenanza xeral de subvencións da Deputación Provincial de Ourense (BOP nº 260, de 12 de novembro de 2015), en concreto no seu artigo 7.3, apartado h), no que se dispón, literalmente, que “o trámite de emenda de deficiencias nas solicitudes entenderase referido, exclusivamente, á documentación relativa á personalidade do solicitante e ó cumprimento dos requisitos para seren beneficiario. En ningún caso se admitirá a emenda de deficiencias relativa á documentación cuxo contido deba ser obxecto de valoración no concurso”.

c) *A cuestión que se suscita é a de se esta norma – xerarquicamente inferior ás normas con rango de lei – é conforme cos vixentes artigos 23.5 da LXS e 20.5 da LSG, que establecen que “se a solicitude non reúne os requisitos establecidos na norma de convocatoria, o órgano competente requirirá ao interesado para que a emende no prazo máximo e improrrogable de dez días, e indicarlle que se non o fixese se lle terá por desistido da súa solicitude, logo de resolución que deberá ser ditada nos termos previstos no artigo 71 da Lei 30/1992, do 26 de novembro, de réxime xurídico das administracións públicas e do procedemento administrativo común” (esta última referencia debe entenderse feita hoxe ao artigo 68.1 da LPAC, que contén unha regulación practicamente idéntica á das normas citadas).*

Neste senso, hai que ter en conta que estas normas legais establecen o trámite de emenda de deficiencias unicamente para a acreditación do cumprimento dos requisitos que estableza a convocatoria (acreditación que se leva a cabo a través da documentación administrativa, non da valorable). Na norma legal este trámite non se refire aos méritos ou elementos a partir dos que se fará a valoración da solicitude, senón unicamente aos requisitos que determinan a súa admisión ou inadmisión a trámite.

Dende este punto de vista, por tanto, non existiría ningunha contradición entre as leis estatal e autonómica de subvencións e a ordenanza provincial.

d) *A maior abastanza, a regra establecida na Ordenanza resulta plenamente coherente coa natureza competitiva do procedemento e garante o pleno respecto ao principio de igualdade. En efecto, se se permitise a emenda de deficiencias na documentación que vai ser obxecto de valoración, estaría a darse, de xeito inxustificado, unha vantaxe competitiva a uns solicitantes fronte a outros, introducindo unha regra discriminatoria que, ademais, favorecería precisamente aos solicitantes que presentaron incompleta ou simplemente non presentaron a dita documentación, fronte aos que a presentaron correctamente. A aplicación dun trámite de emenda de deficiencias na documentación valorable conceptualmente equivalería a un trámite de mellora de solicitudes (incompatible, como tal, coa natureza competitiva do procedemento; na práctica, permitir ese trámite sería tanto como permitir a un opositor nun proceso selectivo corrixir o seu exame antes da súa avaliación polo tribunal, ou a mellorar a súa oferta a un licitador nun proceso de contratación administrativa).*

En conclusión, enténdese que non hai vulneración das normas legais invocadas polo Concello de O Barco de Valdeorras e, polo tanto, a regra prevista nas bases, e a súa aplicación ao caso concreto, é axustada a Dereito.

e) *Por último, e polo que se refire á cuestión de que, aínda admitindo esta norma, o seu efecto non debería ser a exclusión da solicitude senón unicamente a redución da valoración, non asignando ningunha puntuación no apartado afectado pola deficiencia documental, o certo é que a consecuencia fixada con claridade nas bases é a da exclusión da solicitude; a fórmula proposta ao respecto no requirimento formulado polo concello pode estimarse como unha posible solución alternativa, pero en todo caso non é a solución dada polas bases, e non é susceptible de establecerse por vía interpretativa polo que – e sen prexuízo de que poida ser tomada en consideración de cara á redacción das bases de futuros concursos – a alegación do concello non pode estimarse.*

Conclusión: proposta de resolución.

Polo exposto, propónse a desestimación do requirimento de anulación formulado polo concello de O Barco de Valdeorras

9.- ASUNTOS DE URXENCIA.- Non se suscitaron.

10.- COMUNICACIÓNS DA PRESIDENCIA.- Non se presentaron.

11.- ROGOS E PREGUNTAS.- Non se formularon.

E, ás dez horas e corenta e cinco minutos, do referenciado día oito de novembro do ano dous mil dezanove, a Presidencia dá por rematada a sesión da Xunta de Goberno, e redáctase esta acta, que se asinará electronicamente.

